

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-13252/21
Sarajevo, 30.07.2021. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 6. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Abel Baltić-

Inicijativa za rješavanje problema najezde pacova oko Vrtića Vjeverica na Alipašinom polju
Obrazloženje:

JU "Djeca Sarajeva" vrtić Vjeverica koji se nalazi na Alipašinom polju je renoviran i otvoren u martu 2021. Godine, međutim dolaskom vrućina primjećena je velika najezda pacova u blizini vrtića. U neposrednoj blizini se nalazi i drugi vrtić, dječije igralište i osnovna škola. Roditelji djece koja pohađaju vrtić kao i građani su zabrinuti od zaraznih bolesti koje pacovi mogu prenijeti, reagovali su putem inspekcije, ali Inspekcija je nadležnost prebacila na Općinu Novi Grad Sarajevo i Kanton Sarajevo. Molim da nadležne službe reagiju po pitanju ovog problema u što kraćem vremenskom roku.

-vijećnica Maja Muftić Dedović-

1. Ispred kluba vijećnika Muftić Dedović-Tinjak pokrećem inicijativu za korekciju RP u naselju Briješće. Ova korekcija se odnosi na izgradnju povezne ulice između postojećih ulica Humačka ploča i ulice Franje Kluza. Prostor predmetnog obuhvata predstavlja značajnu povoljnu lokaciju za izgradnju povezne ulice u skladu sa izvodom iz katastra na kojem je ucrtan položaj predmetn lokacije u prilogu inicijative. Razlog pokretanja inicijative za korekciju dijela navedenog RP , ogled u potrebama građana naselja Briješće, a posebno stanovnika ulice Humačka ploča i Franje Kluza.

2. Sačiniti bazu podataka samohranih roditelja i utvrditi stanje u kojem se nalaze, te da li imaju osnovne uvjete za izdržavanje djeteta/djece, te potpomoći ovu kategoriju koja je u potpunosti zanemarena. Ukoliko ne postoji mogućnost za direktnom finasijskom pomoći tamo gdje je potrebna, omogućiti ovoj djeci besplatne radionice i sportske aktivnosti koje se nude u Općini, za koje djeca iskažu interesovanje na način da se roditelji prijave Općini, kako bi im se uplatilo pohađanje istih za njihovu djecu.

3. Iniciram da se kreira uvid u evidenciju projekata koji su prolazili na Javnim pozivima i ostvareni rezultati i benifiti za građane u zadnjih 5 godina.

4. Iniciram da se postavi nadstrešnica iznad MZ Otoka zbog bacanja smeća, a obzirom da se mjesna zajednica nalazi ispod prozora nebodera od 18 katova.

5. Iniciram proširenje parkinga od Brčanske br 1. do Brčanske br 9. Radi se o zahvatanju zelene površine. Projekat je već završen i predan. Obzirom da parking na Otoci koriste posjetioci i zaposleni na pijaci Otoka, zaposlenici u Sudu, stanovnici Nove Otoke, stanovnici naselja Otoka nemaju mjesta za parking, te su prisiljeni parkirati ispred svojih ulaza gdje im se često naplaćuje kazna za parking.

-vijećnik Adi Škaljić-

1. Upućujem vijećničku inicijativu za uspostavu programa finansiranja ili sufinansiranja troškova polaganja majstorskih i stručnih ispita za deficitarna zanimanja.

OBRAZLOŽENJE Općina Novi Grad Sarajevo treba biti aktivan učesnik kolektivnog napora da građani i građanke ove države idu u korak sa potrebama tržišta. Konkretan oblik stimulansa lokalna samouprava može dati kroz program koji treba prerasti u stalnu budžetsku stavku finansiranje / sufinansiranje troškova polaganja majstorskih i stručnih ispita za deficitarna zanimanja. Ovo bi bio relativno mali, ali važan korak, kojim se pokazuje volja Općine da zadrži poželjni radni kadar i pomogne ljudima koji imaju afiniteta baviti se deficitarnim zanimanjima. Trebamo pokazati da pratimo razvojne trendove i u ovom teškom vremenu odrediti u šta ili koga vrijedi ulagati budžetska sredstva općine. U ovom slučaju, ista će se zasigurno višestruko opravdati.

2. Upućujem vijećničku inicijativu za rješavanje problema saobraćaja u mirovanju u ulicama Trg Sabora Bosanskog, Vahide Maglajlić i Miroslava Krleže u naselju Dobrinja I.

OBRAZLOŽENJE Stanovnici gore navedenih i susjednih ulica već godinama se nose za problemom neadekvatnog broja parking mjesta. Posljedica toga je prisiljenost stanara da vozila parkiraju na nepropisnim lokacijama uz ulicu Vahide Maglajlić (fotografije 1 i 2). Nedavno su vlasnici i korisnici motornih vozila parkiranih na ovim lokalitetima dobili upozorenja Ministarstva unutrašnjih poslova KS o nepropisnom parkiranju i preporuci da se ovaj prostor više ne koristi u tu namjenu. Iako u blizini ovih ulica postoji garažni objekat kojim upravlja KJKP Rad d.o.o. Sarajevo, njegov ukupni kapacitet nije dovoljan da apsorbuje sva vozila. U razmatranje treba uzeti i opciju pravljenja javnog besplatnog parkirališta. Kao jedna od lokacija koja se sama po sebi nameće, je

na kojem se nalazi već odavno napušteni objekat (fotografija 3). Molim nadležne iz Općine Novi Grad Sarajevo da uz uključivanje stanara i saradnju sa kantonalnim nivoom vlasti pokušaju iznaći rješenje saobraćaja u mirovanju u ovom dijelu Dobrinje I.

3. Upućujem vijećničku inicijativu za uklanjanje ruševnog objekta u ulici Senada Poturka Senčija.

OBRAZLOŽENJE Objekat se nalazi u ulici Senada Poturka Senčija, odmah uz ogradu Osnovne škole Ćamil Sijarić. Objekat se već duže vremena ne koristi, zapušten je i zatrpan smećem (vidljivo iz priloženih fotografija). Dakle, radi se o riziku za đake škole, koji može prouzrokovati fizičke povrede, a može biti i izvor zaraze

4. Upućujem vijećničku inicijativu za za izradu i stavljanje u upotrebu mobilne aplikacije EKO Novi Grad.

OBRAZLOŽENJE

Mobilna aplikacija EKO Novi Grad, koja bi kao takva trebala biti dostupna na Play/App Store-u mobilnih aplikacija, bi bila dostupna i namijenjena svim građanima općine Novi Grad i lako bi sutra mogla prerasti i u aplikaciju za cijeli grad/kanton. Cilj aplikacije jeste jednostavno prijavljivanje svih radnji koje su protivne komunalnim propisima i koje direktno utječu na kvalitet života i ekologiju. Kroz aplikaciju bi se prijavljivale lokacije gdje se lože gume i plastika, nalazi nepropisno odložen otpad, opasni otvori ili bilo kakve anomalije opasne po život ljudi, nepropisno parkirani automobili na zelenim površinama. Aplikacija bi imala sljedeće funkcionalnosti: mogućnost uploada slike sa terena, sa automatskim unosom sporne lokacije (putem GPS, uz mogućnost ubacivanja i opisa lokacije od strane korisnika, ukoliko on to želi), opcija da se prijava šalje na različite adrese (JKP RAD, JKP PARK, MUP) i uvezanost sa službama tih institucija koje trebaju primiti prijavu i po njoj djelovati, mogućnost stavljanja prijave u „završeno“, automatski izvještaji i sl. Sam razvoj iste ne bi trebao koštati više od nekoliko hiljada KM, ali je potrebno u svakom slučaju tražiti dostavu ponuda od strane developera, uz definisanje target cijene za razvoj i održavanje.

5. Upućujem vijećničku inicijativu za provođenje analize objekata kolektivnog stanovanja u koje su ugrađene azbestne ploče i izradu akcionog plana za njihovu zamjenu.

OBRAZLOŽENJE Najveći broj fasada i krovova izrađenih od azbestnih ploča nalazi se na zgradama u našoj općini. Naselja u kojima se ovi objekti nalaze pretrpila su granatiranja i snajpersku paljbu. Oštećene azbestne ploče znatno su štetnije od neoštećenih. Dugotrajna izloženost azbestu može uzrokovati bolesti pluća i pleure, kao što su azbestoza i difuzna plućna fibroza. Azbestoza predstavlja progresivnu bolest koja nastaje udisanjem azbestne prašine i/ili azbestnih vlakana, koja posljedično ostavljaju trajne promjene na plućima. Posljedice dugotrajne izloženosti azbestu obično se pokazuju 20 do 30 godina kasnije. Za ovu bolest nema lijeka, a prekid izloženosti azbestu ne zaustavlja napredak oboljenja. Lokalna zajednica mora pokazati najveći stepen brige za zdravlje svojih građanki i građana, pa smatram da začetnik ozbiljne i ciljanje akcije uklanjanja azbestnih ploča sa objekata kolektivnog stanovanja.

6. Upućujem vijećničku inicijativu za izgradnju/postavljanje javne česme na prostoru šetališta koje se proteže od zgrade Općine Novi Grad Sarajevo do Studentskog doma Nedžarići.

OBRAZLOŽENJE Pješačka staza uz Bulevar Meše Selimovića se u posljednjih nekoliko godina pretvorila u popularno šetalište. Najveća fekvencija šetača je u ljetnim mjesecima. S obzirom na visoke temperature i vlažnost zraka, smatram zgodnim da se na jednom mjestu uz gore navedenu pješačku stazu izgradi javna česma.

-vijećnik Silvije Kristić-

1.Podnosim inicijativu da se naš mladi sportista i olimpijac Nedžad Husić nagradi sa plaketom općine Novi Grad, zahvalnicom te novčanom nagradom u iznosu od 5.000,00 KM za istorijski upjeh ostvaren na Olimpijskim igrama u Tokiju 2021.

Obrazloženje :

Nedžad Husić je na Olimpijskim igrama u Tokiju prije nekoliko dana ostvario istorijski uspjeh osvojivši 5.mjesto u Teakwondou u kategoriji do 74 kg I tako postigao najveći uspjeh bosanskohercegovačkog sporta ikada na OI. Na ovaj način Nedžad je na najbolji mogući način predstavio svoju državu, grad ali I općinu Novi Grad te nas učinio ponosnim.

U narednom period Nedžad ulazi u trogodišnji trenazni ciklus za nastup na OI u Parizu 2024.g gdje ima veliku priliku donijeti prvu istorijsku medalju za Bosnu I Hercegovinu na OI. Budući da ovakav ciklus zahtjeva iznimna finansijska sredstva mišljena sam da smo dužni pomoći u skladu sa mogućnostima I omogućiti Nedžadu najbolje moguće uslove za rad I trening.

2.Molim službe općine da mi odgovore na pitanje koliko je koštalo uređenje zelenih površina u ulici Bulevar Branilaca Dobrinje te pojasa do ulice koje je obavljala firma Ame doo Breza, da li je I u kojem trajanju obezbjeđena garancija na urađene radove I ko je nadležan za održavanje istih.

Obrazloženje:

Uvidom u stanje pomenutog pojasa evidentiran je veliki broj oštećenja pločnika I klupica na istom uz propuste u popunjavanju praznina između blokova koje omogućuju nakupljanje vode I propadanje segmenata. Budući da su radovi izvođeni nedavno tražim odgovornost za eventualne propuste I saniranje oštećenja.

3.Molim službe općine da mi odgovore na pitanje zašto pojedinim poslovnim subjektima nije omogućeno plaćanje zakupa općinskih prostora po povoljnijim uslovima u toku trajanja pandemije Covid 19?

Obrazloženje:

Jasno je da je pandemija Covid 19 imala značajan uticaj na poslovanje mnogih privrednika na području Općine Novi Grad. U tom smislu je bilo neophodno uraditi prilagođavanje cijena korištenja objekata u vlasništvu općine kako bi se pomoglo očuvanju poslovanja I zadržala radna mjesta. Danas imamo situaciju da su pojedini privrednici raskinuli ugovore o najmu, prostori dugo stoje prazni I pri tome se ne održavaju redovno što direktno šteti budžetu općine.

4. Izgradnja I organizacija Državnog Taekwondo centra Bosne i Hercegovine

Obrazloženje:

Ovom inicijativom predlažem da se taekwondo savezu Bosne i Hercegovine obezbjedi korištenje jedne od prostorija u sklopu SRC Safet Zajko gdje bi bio izgrađen i dat na upravljanje državni (nacionalni) trening centar za taekwondo. Ovom prilikom pozivam načelnika da pri realizaciji ovog projekta u što skorijem vremenu organizuje sastanak sa predstavnicima Taekwondo saveza BiH na temu centra za trening i krene u realizaciju istog.

Taekwondo je olimpijski borilački sport koji je u zadnjih nekoliko godina doživio veliku ekspanziju. 2020 godina je bila jako uspješna za Taekwondo savez BiH te smo zasigurno na prvom mjestu od borilačkih sportova u Bosni i Hercegovini.

U 2020 godini smo organizovali Europsko prvenstvo za seniore i kadete gdje smo ostvarili zapažene rezultate kojom prilikom je kadetska reprezentacija osvojila 2 zlatne, 3 srebrene i 3 bronzane medalje što je dovelo kadetsku reprezentaciju na drugo mjesto a isto je prvi pehar na Europskom prvenstvu za reprezentaciju BiH od kada postoji. Takođe je Benjamin Husić proglašen najboljim kadetom Europskog prvenstva.

Sama organizacija Europskog prvenstva je ocijenjena kao najbolje organizovano Europsko prvenstvo u zadnjih 10 godina a bitno je napomenuti da je Bosna i Hercegovina po prvi put dobila organizaciju takvog događaja a što nije pošlo za rukom niti jednoj državi iz regiona. Sama organizacija i ostvareni rezultati su dali prostor da i 2021 godine Taekwondo savez BiH dobije organizaciju juniorskog Europskog prvenstva koje se održava svake druge godine. Krajem 2020 godine je održano i Europsko klubsko prvenstvo u Zagrebu gdje su takmičari i klubovi iz Bosne i Hercegovine osvojili 15 medalja a taekwondo klub Novi Grad je proglašen najboljim klubom u Europi. U organizaciji Olimpijskog komiteta Bosne i Hercegovine je održan izbor najboljih sportista gdje je taekwondo primio 9 priznanja.

Početkom 2020 godine rukovodstvo saveza je uspjelo da izlobira dolazak u reprezentaciju Bosne i Hercegovine 2 reprezentativca iz reprezentacije Hrvatske Mariju Štetić i Dinka Šegedina kojima smo završili državljanstva i pasoše BiH.

U 2021 godini naš reprezentativac Nedžad Husić je ostvario historijski rezultat kojom prilikom je osvoji srebrnu medalju na Seniorskom Europskom prvenstvu a što je prva seniorska medalja u Taekwondou a ukupno peta za Bosnu i Hercegovinu.

Nedžad Husić je nastupio na kvalifikacijama za Olimpijske igre kojom prilikom se kvalificirao na OI što nijedan takmičar do danas nije uspio.

Na olimpijskim Igrama u Tokyo 2020 Nedžad Husić je nastupio kojom prilikom je zauzeo 5 mjesto što je najbolji rezultat svih vremena iz svih sportova u Bosni i Hercegovini.

Ukratko smo napisali naše rezultate a sada je još veći teret na rukovodstvu saveza da omogući trenajne procese naših reprezentativaca kako bih došli do Olimpijske medalje.

Jedan od velikih projekata koje pokreće Taekwondo savez BiH jeste Taekwondo Centar koji je neophodan za trenajne procese naših reprezentativaca za naredna 3 Olimpijska ciklusa kako bih pokušali doći do prve Olimpijske medalje za Bosnu i Hercegovinu.

Odlučili smo se da podršku za navedeni centar tražimo u lokalnim zajednicama a s obzirom da je Taekwondo savez BiH registrovan u općini Novi Grad Sarajevo i da općina Novi Grad Sarajevo ima najbolje uslove u centru Safet Zajko, obračamo Vam se da pokušamo iznaći rješenje prostora za pomenuti centar. Napominjemo da smo obavili sastanak i sa kantonalnim ministrom kulture i sporta gosp. Samirom Avdićem te je isti takođe dao podršku za navedeni projekat kao i Olimpijski komitet Bosne i Hercegovine.

Ova inicijativa predlaže organizaciju sastanka predstavnika Taekwondo Saveza BiH i načelnika općine Novi Grad Sarajevo g. Semira Efendića kako bi razgovarali u vezi projekta „Taekwondo centar“.

5. Molim službe općine da mi odgovore na pitanje na osnovu kojih parametara I saznanja je donesena odluka o regulaciji saobraćaja I obustavi istog u ulici Bulevar Branilaca Dobrinje.

Obrazloženje:

Molim vas za objašnjenje da li je za ovu odluku provedena javna rasprava te da li je održan sastanak sa predstavnicima privrednika koji djelatnost obavljaju u ovoj ulici. Vlasnici objekata su prilikom kupovine istih podrazumijevali pristup transportnih vozila te kupaca do objekata I da li možemo govoriti o neodgovornom potezu općine u koje su isti prevareni te im je onemogućeno normalno poslovanje. Obilaskom terena ustanovljen je veliki pad u prometima navedenih privrednih subjekata ood kako je ova odluka na snazi te se dovodi u pitanje njihov opstanak I radna mjesta velikog broja ljudi, što nam u period oporavka privrede nakon pandemije Covid 19 nikako nije u interesu. Pored toga u ulici već postoji pojas za pješačku zonu širok cca 12 m što je obzirom na frekvencu I više nego dovoljno. Da li je prilikom donošenja odluke osnov bio regulacioni plan star više od 40 godina koji nikako nije u skladu sa potrebama građana danas I kkoji je zahtjevao detalju analizu I bolje rješenje.

O navedenim problemima službe su već upoznate I pored obećanja do sada nije ništa konkretno urađeno po ovom pitanju. U prilogu nekoliko fotografija koje oslikavaju trenutno stanje u ovoj ulici te ukazuju na trenutna rješenja saobraćaja koja su više nego neadekvatna. Takođe dostavljam I potpise privrednika koji posluju na ovom području, a koji su ugroženi ovakvim režimom saobraćaja.

6. Molim službu za inspekcijske poslove da mi odgovori na pitanje kada je zadnji put urađen nadzor na području Dobrinje o upotrebi površina terasa u ulici Bulevar Branilaca Dobrinje I šta je nadzorom ustanovljeno.

Obrazloženje:

Molim vas da mi odgovorite da li su za navedene površine izdate dozvole fizičkim I pravnim licima za upotrebu istih jer je evidentirano da se iste koriste za čuvanje kućnih ljubimaca, terase kafića, poljoprivredu I površine za odmor I rekreaciju. Da li su oni koji iste koriste obezbjedili bezbjednost istih I ispunili uslove za navedene aktivnosti.

7. Inicijativa za proglašenje Taekwondo kluba Novi Grad Sarajevo kao udruženje od izuzetnog značaja za općinu Novi Grad Sarajevo

Obrazloženje:

Kao dio porodice koja njeguje olimpijske sportove, Taekwondo klub Novi Grad želi ostvariti suradnju sa istinskim promotorima kulture i sporta u Bosni i Hercegovini. Najtrofejniji sportski kolektiv sa područja naše opštine je nedavno kao krunu svog rada imao nastup Nedžada Husić na Olimpijskim igrama u Tokiju I historijski rezultat za našu zemlju. Takođe klub je osnovica cijele reprezentacije Bosne I Hercegovine I najzaslužniji za veliki razvoj ovog sporta u zemlji kao I za ogroman broj međunarodnih medalja sa najelitnijih evropskih I svjetskih takmičenja.

U nastavku su predstavljeni pojedinačni rezultati takmičara kluba i to isključivo sa Evropskih i Svjetskih prvenstava, a ne sa Balkanskih i turnira G1 ili G2 klase, na kojima je ostvareno još više uspjeha. Rezultati su poredani po godini osvajanja od današnjeg dana pa do unazad 2013. godine, kada je osvojena prva medalja sa Evropskog prvenstva:

Molim vijeće da se izjasni o ovoj inicijativi.

Kao što znate na prošloj sam sjednici podnio istu inicijativu za SFK 2000. Da bi ovaj projekat bio transparentan predlažem da se oformi komisija ispred službi, komisije za obrazovanje, sport I kulturu, komsije za budžet te nevladinih organizacija koja bi definisala parametre po kojima se stiče pravo na status udruženja od posebnog značaja za Općinu Novi Grad.

2021. godini

- 5. mjesto, Nedžad Husić, Olimpijske Igre Tokyo 2020 (Juli 2021)
- 1. mjesto, Nedžad Husić, Evropske kvalifikacije za Olimpijske Igre, Sofia,
- 2. mjesto, Nedžad Husić, Evropsko prvenstvo za seniore, Sofia,

2020. godini

- 1. mjesto, Benjamin Husić, Evropsko prvenstvo za kadete, Sarajevo
- 3. mjesto, Ejla Makaš, Evropsko prvenstvo za kadete, Sarajevo

- 1. mjesto, Emir Kaljanac, Evropsko klupsko prvenstvo za seniore, Zagreb
 - 2. mjesto, Nedžad Husić, Evropsko klupsko prvenstvo za seniore, Zagreb
 - 2. mjesto, Sadmir Habibović, Evropsko klupsko prvenstvo za seniore, Zagreb
 - 1. mjesto, Nedžad Husić, Evropsko klupsko prvenstvo za mlađe seniore, Zagreb
 - 1. mjesto, Jusuf Ali Rašidagić, Evropsko klupsko prvenstvo za mlađe seniore, Zagreb
 - 1. mjesto, Džejla Makaš, Evropsko klupsko prvenstvo za mlađe seniore, Zagreb
 - 1. mjesto, Katarina Kraišnik, Evropsko klupsko prvenstvo za mlađe seniore, Zagreb
 - 2. mjesto, Sadmir Habibović, Evropsko klupsko prvenstvo za mlađe seniore, Zagreb
 - 3. mjesto, Timur Subašić, Evropsko klupsko prvenstvo za mlađe seniore, Zagreb
2019. godini
- 5. mjesto, Nedžad Husić, Svjetsko seniorsko prvenstvo, Mančester,
 - 3. mjesto, Nedžad Husić, Evropsko prvenstvo za mlađe seniore, Helsingborg
2018. godini
- 3. mjesto, Nedžad Husić, Svjetsko juniorsko prvenstvo, Hammamet
 - 1. mjesto, Džejla Makaš, Evropsko prvenstvo za kadete, Valencia
 - 2. mjesto, Džejla Makaš, Evropsko klupsko prvenstvo za kadete, Antalija
2017. godini
- 1. mjesto, Katarina Kraišnik, Evropsko prvenstvo za kadete, Marina d'Or
 - 2. mjesto, Adna Borić, Evropsko klupsko prvenstvo za juniore, Antalija
 - 2. mjesto, Nedžad Husić, Evropsko klupsko prvenstvo za juniore, Antalija
 - 3. mjesto, Jusuf Ali Rašidagić, Evropsko klupsko prvenstvo za juniore, Antalija
 - 3. mjesto, Amar Hadžagić, Evropsko klupsko prvenstvo za kadete, Antalija
 - 2. mjesto, Nedžad Husić, Svjetski kup, Atina
 - 9. mjesto, Armin Gredić, Svjetsko seniorsko prvenstvo, Muju
 - 3. mjesto, Nedžad Husić, Evropsko prvenstvo za juniore, Larnaca
2016. godini
- 1. mjesto, Armin Gredić, Univerzijada Evropa, Rijeka
 - 3. mjesto, Nejlja Kaljanac, Univerzijada Evropa, Rijeka
 - 1. mjesto, Adna Borić, Evropsko klupsko prvenstvo za kadete, Antalija
 - 2. mjesto, Jusuf Ali Rašidagić, Evropsko klupsko prvenstvo za kadete, Antalija
 - 3. mjesto, Nedžad Husić, Evropsko klupsko prvenstvo za kadete, Antalija
 - 5. mjesto, Nedžad Husić, Svjetsko juniorsko prvenstvo, Barnaby
 - 3. mjesto, Adna Borić, Evropsko prvenstvo za kadete, Bukurešt
 - 3. mjesto, Jusuf Ali Rašidagić, Svjetski kup, Bonn
 - 3. mjesto, Adna Borić, Svjetski kup, Bonn
2015. godini
- 1. mjesto, Armin Gredić, Evropsko studentsko prvenstvo, Rijeka
 - 2. mjesto, Adna Borić, Evropsko prvenstvo za kadete, Strasbur
2014. godini
- 3. mjesto, Nedžad Husić, Evropsko klupsko prvenstvo za kadete, Antalija
2013. godini
- 3. mjesto, Armin Gredić, Evropsko klupsko prvenstvo seniore, Atina
 - 3. mjesto, Samir Selimović, Evropsko klupsko prvenstvo juniore, Atina
 - 1. mjesto, Haris Husić, Svjetsko veteransko prvenstvo, Torino
- Pored navedenih rezultata, ekipni klupski rezultati, su slijedeći
2021. godini
- 1. mjesto ekipno, Prvenstvo Bosne i Hercegovine
2020. godini
- 1. mjesto ekipno, Evropsko prvenstvo za klubove, Zagreb
 - 1. mjesto ekipno, Prvenstvo Bosne i Hercegovine
 - 1. mjesto ekipno, Prvenstvo Federacije Bosne i Hercegovine
 - 1. mjesto ekipno, Kup Bosne i Hercegovine
2019. godini
- 1. mjesto ekipno, Bosna i Hercegovina Open, turnir G1 klase
 - 1. mjesto ekipno, Prvenstvo Bosne i Hercegovine
 - 1. mjesto ekipno, Prvenstvo Federacije Bosne i Hercegovine
 - 1. mjesto ekipno, Kup Bosne i Hercegovine
2018. godini

- 2. mjesto ekipno, Sofia Open, turnir G1 klase
- 1. mjesto ekipno, Prvenstvo Bosne i Hercegovine
- 1. mjesto ekipno, Prvenstvo Federacije Bosne i Hercegovine

2017. godini

- 1. mjesto ekipno, Prvenstvo Bosne i Hercegovine
- 1. mjesto ekipno, Prvenstvo Federacije Bosne i Hercegovine

Ekipni rezultati su navedeni u samo zadnjih 5 godina, jer se ponavljaju dugi niz unazad.

Relevantno je istaći i da klub vodi treninge na 3 lokacije u gradu, broji preko 300 članova sa kojima radi 10 licenciranih trenera.

Do sada u klubu je svoja zvanja crnog pojasa ostvarilo 143 člana, a za ovih 19 godina rada kroz našu školu taekwondoja je prošlo preko 2000 osoba.

Klub je i organizator 7 internacionalnih prvenstava Sarajevo Open koje okuplja preko 800 takmičara, kao i organizator nekoliko prvenstava BiH.

Voditelj je niza projekata koji podrazumjevaju rehabilitaciju maloljetničke delinkvencije, socijalne pomoći ugroženima, te unaprijeđenja vrhunskog sporta u BiH.

-vijećnica Enisa Spahić-

1. Inicijativu koju sam kandidovala u martu mjesecu, a vezao za izgradnju prijekopotrebnog Parka-igrališta za djecu sa intelektualnim teškoćama Udruženja „Oaza“, jednog od najstarijih udruženja u KS u osnovanog 1960. godine, u ulici Ramiza Salčina Vojničko Polje sa pripadajućim mobilijarom u skladu sa Europskim propisima i certifikatima, klupe za odmor, šadrvan za radionice na otvorenom po prijedlogu projekta dostavljenog nadležnoj službi od 28.01.2011.god.

2. Inicijativu za postavljanje javnih česmi s pitkom vodom duž šetnica, na trgovima, zelenim površinama kako bi našim građanima omogućili besplatan pristup vodi.

Posebno je važno u ljetnom periodu kada imamo sve ekstremnije toplinske valove, građani bi se mogli napiti vode, osvježiti, napuniti bočice vodom, oprati ruke posebno u vrijeme covida.

Javne česme trebale bi biti dizajnirane na način da omogućavaju lako korištenje pješacima, biciklistima, odraslim, djeci i osobama s invaliditetom, a istovremeno da predstavljaju i ukras javnog prostora.

3. Inicijativu za sanaciju trotoara u ulici Ramiza Salčina, mjesna zajednica Saraj Polje. Trotoar je obrastao rastinjem, gotovo da se i ne vidi, pješaci su prinuđeni kretati se kolovozom što ugrožava njihovu saobraćajnu sigurnost.

Trava na zelenoj površini pored samog trotoara nije mjesecima pokošena i dostiže visinu preko 1m, na mjestima je potpuno prekrila trotoar. Saobraćajni znak uz sami trotoar ne vidi se od visokog šiblja što dodatno ugrožava saobraćajnu sigurnost kako pješaka tako i vozača.

Molim da se što hitnije završe započeti radovi na sanaciji trotoara.

U prilogu slike 1,2,3. i 4.

4. S obzirom da je na području MZ „Alipašino polje B-I i B-II“ učestala praksa da se vrši izvođenje radova bez konsultacija sa Savjetom MZ, bez poštivanja Prijedloga zahtjeva iz oblasti komunalne infrastrukture koje Savjeti kandidiraju prilikom rasprave o Nacrtu budžeta, kao i pored toga što određeni projekti-prijedlozi budu uvršteni u Budžet, isti se ne realiziraju u tekućoj godini, nego prenose u sljedeće molim da mi se dostavi odgovor u pisanoj formi:

Zašto se umjesto rekonstrukcije-zatvaranja Trga ZAVNOBIH-a, koji se kao nulti prioritet ponavlja iz godine u godinu, bez konsultacija sa Savjetima Mjesnih zajednica, vrše parcijalna i finansijski neopravdana ulaganja, tj. djelimično postavljanje stubića na dijelovima Trga ZAVNOBIH-a i na čiju inicijativu?

Po ovom pitanju, Savjeti MZ uputili su upite Službi za investicije i komunalne poslove (veza naši akti 02/13-04-6009/20 od 20.03.2020., 02/13-04-10729/20 od 23.06.2020. i 02/13-04-19581/20 od

26.10.2020. godine), a to je sada opet slučaj i sa postavljanjem stubića u ulici Nerkeza Smailagića ispred brojeva 10, 13 i između 15 i 16 jer Savjet MZ navedeno niti je tražio niti je informisan o istom.

O zatvaranju Trga ZAVNOBIH-a Savjeti MZ aktivno vode prepisku-dogovore-obilasku terena u suradnji sa nadležnom Općinskom službom posljednje tri godine, posebno iz razloga neophodnosti izgradnje dodatnih parking prostora za cca 500 vozila, koji se trenutno parkiraju na Trgu, a čime je ugroženo bezbjedno kretanje građana posebno djece, starijih i invalidnih osoba, kao i pristup vatrogasnim i vozilima hitne pomoći.

Kako je projekat izgradnje garaže kod džamije Kralj Fahd (koja je bila planirana u Budžetu 2019./2020. godinu) obustavljen, nulti prioriteta za ove dvije Mjesne zajednice u Budžetu Općine Novi Grad Sarajevo za 2021. godinu su:

- Izgradnja dodatnih parkinga;
- Zatvaranje Trga ZAVNOBIH-a.

Imajući u vidu da su lokacije za nove parkinge već precizirane, čemu je prethodilo održavanje Zborova građana, da su isti uslov kako bi se krenulo u rekonstrukciju i zatvaranje Trga ZAVNOBIH-a, uz činjenicu da su oba projekta planirana Budžetom za tekuću godinu, očekujemo realizaciju istih u cjelosti, a ne parcijalno i u što skorijem vremenu.

-vijećnica Aida Ožegović-

Podnosim inicijativu za uređenje saobraćaja u ulici Bulevar Branilaca Dobrinje koji će podrazumijevati jednosmjerni protok vozila i zaustavnu zonu za vozila.

Obrazloženje :

Obzirom na primjedbe poslovnih subjekata i iskazano nezadovoljstvo trenutnim rješenjem saobraćaja u ovoj ulici podnosim inicijativu da se uradi rješenje koje bi bilo prihvatljivo za privredne subjekte te se uskladilo sa regulacionim planom općine Novi Grad. Na ovaj način bi smo pomogli privrednicima koji od donošenja odluke imaju značajan pad u prometu te smanjenu frekvencu posjetilaca/kupaca koji nemaju mogućnost prilaska ovim objektima. Napominjem da se radi o salonima namještaja, apotekama, marketima, bankama te objektima drugih djelatnosti.

Trenutnim rješenjem nije moguće pristupiti ovom području većim dostavnim vozilima zbog čunjeva koji regulišu ulaz i izlaz u zonu.

Prijedlog bi podrazumijevao jednosmjerni saobraćaj sa zonama za zaustavljanje vozila zbog potreba za pristupom navedenim objektima sa izlazom prema kružnom toku na kraju ulice.

-vijećnica Elza Gaković-

1. Podnosim inicijativu za postavljanje unificiranih ploča legendi naziva ulica u svim mjesnim zajednicama na području Općine Novi Grad Sarajevo.

Inicijativu upućujem prema službi za lokalnu samoupravu Općine Novi Grad Sarajevo.

Neke od ulica u svim mjesnim zajednicama dobile su naziv po sudbini stradanja na najbrutalniji način pa čak i stradanja čitavih porodica.

2. Iniciram održavanje tematske sjednice vezane za problematiku RCUO Smiljevići.

Tačke tematske sjednice bile bi:

- Zanemarivanje provođenja zaključaka jednoglasno izglasanih na tematskoj sjednici održanoj 12.09.2019. godine.

Takođe tražim da dio operativnog tima budu i izabrani predstavnici građana tj vijećnici mjesnih zajednica koje se teritorijalno nalaze uz trup RCUO "Smiljevići".

3. Kao vijećnica Općinskog vijeća Novi Grad Sarajevo zadužena za praćenje rada savjeta mjesne zajednice "Naselja heroja Sokolje" upućujem inicijativu vezanu za mjesnu zajednicu „Naselje heroja Sokolje“ prema KJKP "Rad" zbog neriješenog odvoza otpada u ul: Numan paše Čuprilića.

U najfrekventnijoj ulici Numan paše Čuprilića građani samo na jednoj lokaciji mogu odlagati kućni otpad i to pored prostorija Ambulante, mjesne zajednice i u neposrednoj blizini jedinog dječijeg igrališta.

Nabavkom kanti za dvolinijski sistem odvoza otpada, kontejneri bi se uklonili, što bi u velikom pogledu olakšalo stanovništvu koji svakodnevno dolazi u prostorije Ambulante i Mjesne zajednice. Takođe, naglašavam da bi se moglo koristiti i dječije igralište koje se sad malo ili nikako ne koristi radi neugodnog mirisa i samog izvora zaraze iz kontejnera.

4. Podnosim inicijativu za regulisanje imovinskopravnih odnosa koji se tiču priprema za rekonstrukciju ulice Harisa Čampare.

Ova saobraćajnica je od mnogostrukog značaja za Općinu Novi Grad Sarajevo.

Prvenstvo njen veliki značaj je kao pristupne saobraćajnice Golom brdu Žuč.

Zbog značaja i historijskih činjenica vezanih za lokaciju Golog brda Žuč kao i perspektive u budućnosti koju nameće izgradnja kompleksa i krila slobode na Golom brdu Žuč.

-vijećnik Vernes Čosić-

1. INICIJATIVA ZA POSTAVLJANJE KLUPA I KANTI ZA OTPATKE NA DIJELU DOBRINJSKE ŠETNICE IZMEĐU ŠKOLE „SKENDER KULENOVIĆ“ I MERKATORA
Obrazloženje prijedloga inicijative:

Veliki dio građana Dobrinje koristi ovaj dio šetnice za svoje društvene aktivnosti. Također, veliki broj roditelja čeka svoju djecu nakon završetka škole. Moram istaknuti da su klupe na ovom dijelu već postojale i da su u potpunosti devastirane.

2. POVEĆANJE SIGURNOSTI PJEŠAKA NA RASKRSNICI U ULAZU NA TRG ZLATNIH LJILJANA SA JEDNE STRANE I KUNOVSKOJ SA DRUGE

Obrazloženje prijedloga inicijative:

U Bulevaru Mimara Sinana je velika frekvenција saobraćaja. Nedavno su postavljeni ležeći policajci uz postojeće semafore. Ova raskrsnica se nalazi između dvije trolejbujske stanice i dvije garaže. Iako postoje znakovi za pješački prelaz veliki broj vozača ga ne poštuje. Nedavno se desio lančani sudar jer je jedan vozač poštovao znak, a sljedeće auto se zabio u njega. Postavljanjem ležećeg policajaca ili semafora dugoročno bi riješio ovaj dugogodišnji problem građana sa ovog dijela Dobrinje.

3. INICIJATIVA ZA OGRAĐIVANJE, SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI IZA TRGA BOSANSKOG SABORA (uz cestu prema Kuli)

Obrazloženje prijedloga inicijative:

U ovom djelu Dobrinje pored ovog postoji improvizacija od dječijeg parka, odnosno postavljen je određeni mobilijar na betonsku površinu. Postojeći park je u lošem stanju i stalno izložen dodatnoj devastaciji. Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

4. Molim da nam se dostavi odgovor:

Poštovani,

Budući da već 6 mjeseci slušamo da su za rekonstrukciju trgova u B i C Fazi u ovom budžetu planirana sredstva. Molim vas da nam dostavite plan po kojem se to radi.

Isti plan treba da bude iskomuniciran sa širom javnošću, a ne da za isti pored nadležnih znaju samo par ljudi u MZ, koji svoj posao ne rade u ovim fazama.

Plan bi trebao sadržati sljedeće faze.

1. Iznos sredstava planiranih za (2021)
2. Fazu saobraćaja u mirovanju i kretanju
3. Fazu urbanizma zelenih i prostora na trgu
4. Fazu rasvjete (pametna led rasvjeta)
5. Fazu sigurnosti (nadzor i policijska kuća)

Itd...

Isti je neophodno prvo iskomunicirati sa Javnošću na tribinama i putem medija, pa tek onda raditi. Jer krpļeni su dijelovi B faze, pa su nakon zime sve ploče uništene.

-vijećnik Mirza Selimbegović-

1. Inicijativa u vezi sa sanacijom klizišta na području općine Novi Grad Sarajevo – urgencija

Inicijativa se odnosi na ubrzano pristupanje sanaciji klizišta na području Općine Novi Grad Sarajevo prije predstojećih jesenskih i zimskih nepogoda, a po prioritetima procijenjenim od struke uvažavajući postojeći program prioriteta kojeg je Općina delegirala prije 2017. godine, ali i onih nakon 2017. godine gdje sestanje na terenu bitno pogoršalo na lokacijama poput ulice Vladimira Preloga. Ovo klizište je potrebno uvrstiti u spomenute prioritete jer prijeti povlačenjem zemljišta šireg lokaliteta, kao i da aktivira sanirana klizišta time i ugroženost ljudi i imovine. U tom smislu, od Općine se očekuje da iz svoje nadležnosti u potpunosti ispuni obaveze i maksimalno saraduje sa Zavodom za izgradnju Kantona Sarajevo, a od Zavoda da stručno i tehnički hitno poduzme sve potrebne radnje. Traži se ozbiljnost, kao i djelovanje navedenih nadležnih organa da bi se spriječila katastrofa nesagledivih posljedica, a teret odgovornosti bi u tom slučaju imali svi nosioci nadležnosti koji su se oglasili na pozive da se reaguje na vrijeme. Tražimo procjenu hitnosti od strane Zavoda za izgradnju i stručnih lica i da se hitno pristupi sanaciji po procjeni hitnosti.

2. Inicijativa za formiranje tima za procjenu stanja i rješavanje problema vodosnabdijevanja na području Općine Novi Grad u naseljima gdje nije uredno vodosnabdijevanje (Dobroševići, Bojnik, Ahatovići, Reljevo, Rječica, Zabrđe)

Inicijativa se odnosi na formiranje tima čiji članovi bi bili po jedan predstavnik Službe za investicije, KJKP ViK-a, nadležnog kantonalnog ministarstva, mjesnih zajednica i Općinskog vijeća, radi procjene stanja i iznalaženja rješenja vodosnabdijevanja na području Dobroševića, a na način da se sagledaju mogućnosti korištenja i preraspodjele kapaciteta lokalnih izvora.

3. Inicijativa za javnu objavu registra uposlenih u Općini Novi Grad Sarajevo i JP „Lokom“ d.o.o. Sarajevo

Inicijativom se traži da se javno objavi registar uposlenih u Općini Novi Grad Sarajevo i JP Lokomu radi transparentnosti i ispunjavanja obaveze odgovornosti prema građanima od čijih poreza i izborne volje zavisi rad uprave na svakom nivou. U ovom slučaju je to lokalna zajednica koja je dužna biti servis upravo svojim stanovnicima - biračima. Svako izbjegavanje transparentnosti ostavlja prostor sumnji da se krije istina u odnosu na način kojim se Općina predstavlja u javnosti. Općina Novi Grad Sarajevo je, je jedina gradska općina, a sa općinama Hadžići i Trnovo, među tri u Kantonu Sarajevo koje su uskratile pravo građana da znaju kojim uposlenicima daju plaću.

Molim Općinsko vijeće da se izjasni o sve tri inicijative.

-vijećnik Mirza Memišević-

1. Inicijativa da se uklone napuštena vozila sa gornje etaže garaže u ulici Miroslava Krleže, ali ne na način da ih se prebaci na neku drugu lokaciju koju građani mogu koristiti kao parking kao što je to urađeno prebacivanjem napuštenih vozila sa garaže u naselju Vojničko Polje kod Beko prodavnice na garažu u ulici Miroslava Krleže.

2. Da se prestane sa naplatom gornjih etaža garaža u naseljima Dobrinja i Vojničko Polje ili da se cijena koriguje tako da bude prihvatljiva građanima.

3. Da li je Služba Općinskog vijeća primila poziv za obilježavanje godišnjice stradanja u Kalinoviku i ako jeste zašto taj poziv nije upućen svim vijećnicima kao što je to praksa? Da li je na spomenuto obilježavanje otišlo rukovodstvo ili dio rukovodstva Općinskog vijeća ili neki drugi vijećnici i na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovik- Sarajevo i obrnuto. Kojim povodom su, ako su bili, posjetili Umoljane?

-vijećnica Edita Šandal-

1. Podnosim inicijativu za hitnu sanaciju dječijeg parka ispred Mjesne zajednice Dobrinja D u ulici Omladinskih radnih brigada broj 6. Obrazloženje: Nedavno se desio nesretan slučaj gdje je djevojčica koja se ljuljala pala sa ljuljačke koja je pukla. Roditelju su se žalili da je pola rekvitiza u ovome parku nesigurno, te je iz tog razloga potrebna hitna rekonstrukcija ovog parka kako bi se povećala sigurnost djece.

2. Podnosim vijećničku inicijativu za postavljanje korpi za otpatke na igralištu u ulici Izeta Karšića.

**SEKRETAR
OPĆINSKOG VIJEĆA**

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a